

# CERTIFICAZION DAL FURLAN: PRESENTÂTS I GNÛFS STRUMENTS DIDATICS

Realizâts de Universitât furlane in colaborazion cu la Regjon e cu la ARLeF

La ARLeF e la Universitât dal Friûl, cu la presince de assessore regionâl ae Istruzion, ricercje e universitât, **Alessia Rosolen**, a àn presentât di pôc i gnûfs struments didatics che a permetaran di inviâ la certificazion de lenghe furlane, de leç regionâl 29 dal 2007. Al è un dai prins pas previodûts dal acuardi firmât dai doi ents, che si son impegnâts a colaborâ inte organizazion di cors di formazion e inte realizazion e publicazion di tescj e struments didatics par imparâ la lenghe furlane.

I trê volums – curâts de professore **Fabiana Fusco** e risultât dal lavôr plurienâl fat dal Ateneu furlan cu la poie dal Assessorât regionâl ae Istruzion – a permetaran di valutâ i nivei progressifs di competence (A, B e C), su la fonde di ce che al è previodût dal Cuadri comun european su lis lenghis. Cemût che e à ricuardât la assessore, il plurilinguism al fâs la nestre Regjon uniche in Italie, stant che al rapresente un valôr di fonde pe sô autonomie e pe sô specialitât, e la certificazion de lenghe furlane e je un passaç fundamentâl par alçâ inmò il so status, come che al sucêt par dutis chês altris lenghis.

Il president de ARLeF, **Eros Cislino**, al à definît l'inviamet dal sisteme di certificazion tant che une svolte storiche. Par che une lenghe si slargji e par che e davuelzi in maniere juste il so rûl, si à ancje di sigurâsi che e vegni doprade, massime intal scrit, in maniere corete, di bande di insegnants, operadôrs linguistics, funzionaris publics o altris sogjets clamâts par leç a cognossile.

I gnûfs struments didatics pe certificazion de lenghe furlane, al à rimarcât il retôr **Roberto Pinton**, a son un risultât di grande impuartance pe difese dal patrimoni linguistic e culturâl dal Friûl. Come che al à ricuardât il professôr **Enrico Perterlunger**, delegât dal retôr pe promozion de lenghe e de



Di çampe: Eros Cislino, president de ARLeF; Alessia Rosolen, assessore regionâl ae Istruzion, ricercje e universitât; Enrico Peterlunger, delegât dal retôr pe promozion de lenghe e de culture furlane - Universitât dal Friûl.

culture furlane e diretôr dal Cirf, la Universitât dal Friûl e à puartât indevant cun rigôr scientific, precision e completece la elaborazion dai criteris e dai materiâi pe certificazion.

La seconde fase dal progjet – che si inviarà in curt – e previôt la formazion dai prins certificadôrs che a varan di valutâ lis competencis linguistichis di cui che al domandarà di jessi certificât pes capacitâts di scolte, leture, conversazion, scritture e interazion par furlan. La ARLeF e vûl partî cui prins esams di certificazion fra la fin di chest an e il tacâ dal prossim.

Par info su cemût vè i libris di test, al è pussibil lâ sul sît [www.forumeditrice.it/percorsi/lingua-e-letteratura](http://www.forumeditrice.it/percorsi/lingua-e-letteratura).



- ❑ Manovra ferroviaria (primaria e secondaria) su raccordo e impianti IFN
- ❑ Servizi integrati alla trazione ferroviaria, con soluzioni mirate alle specialità del servizio
- ❑ Progettazione e costruzione raccordi
- ❑ Manutenzione ferroviaria ai sensi del regolamento EU 445/2011 per le quattro funzioni ECM:
  - Gestione
  - Sviluppo e ingegneria
  - Gestione della manutenzione della flotta
  - Esecuzione della manutenzione



TS TRACTION & SERVICE S.R.L. SEDE LEGALE: VIA VILSBIBURG, 6B/1 - 33030 BUJA (UD) E-mail: [ts@traction-service.it](mailto:ts@traction-service.it)